

光緒乙酉仲春刊

平路  
城  
興  
志

縣署藏板

續修潞城縣志序



邑之有志猶國之有史也史兼褒貶  
善惡畢記志則獨取其美者而詳誌  
之凡夫土地人民政事忠孝節義下  
逮飛走動植罔不撫拾而著之書此  
非徒侈陳一邑之盛云爾也將使官

潞城縣志卷一序

斯土者讀而思之而愛養搏節之政  
即於是乎起其所係不綦重哉潞城  
在晉南下邑也附以平順亦僻壤也  
潞志修於康熙丙戌平順志修於康  
熙癸酉皆百數十年矣念此百餘年  
中其名著甲科聲蜚閭苑者有人其

詳莫之能知矣節凜風霜義薄雲天  
者有人其事莫之能道矣推之邑有  
良吏經濟在乎人心邑有名賢文章  
光諸學校皆我

朝作育之化漸摩而成不為之登諸邑  
乘將湮沒而不傳矣當官者烏得而

辭其咎贊皇 崔公宰斯邑承

爵撫曾公飭廣集多士搜求採訪鄉

甯楊君秋湄良史才也屬以筆削之

任事未竣而去官余癸未承乏於茲

甫下車即詢邑志而稿猶未成越明

年初夏 秋湄之稿至披覽之餘其

體裁稍與舊志異而考核精詳文筆  
簡括允足稱一家言爰同廣文 溫  
君並邑之博學而文者釐定次序校  
正誤謬以平順志附於其中緣平順  
裁縣後學籍隸潞城也茲將付剞劂  
請序於予予謂志者誌山川誌城郭

誌壇廟統村市風土人物胥賴乎志  
之成因為之說曰是書也始其事者  
崔公之志也終其事而迄於成者予  
及同寅諸紳士之志也願後之服官  
斯地者覩林總之民生曰吾思所以  
撫字之察繁昌之物類曰吾思所以

栽培之因文以見道順俗以敷治同  
志者諒皆有感於斯志也是為序

光緒十年歲次甲申十二月

誥授奉政大夫同知銜咸豐辛亥科舉人

知潞城縣事上村氏程達天撰



平順志附入潞城小序

事必有徵而始信理以相得而益彰前此潞城平順各自為志自

國朝乾隆二十九年裁汰平順縣於是平順之學始附潞城而有鄉學之名歲科兩試凡平順所屬地面胥赴潞城應童子試榜發則另標曰平

順鄉學其繫之以平順者從其初也其別之以鄉者統於縣也平順之建始於故明嘉靖七年當時青羊山巨寇陳卿始就勦捕都給事夏言建議置縣並置守備等官以防餘孽復萌縣城當青羊山之要衝地則南割壺關王曲等十里北割黎城新安等五里其東西一帶青羊等十

六里皆潞城故物也縣裁後丁糧戶口割自壺  
者仍歸壺割自黎者仍歸黎割自潞者仍歸潞  
至學之專隸潞城舊志無明文大抵以建學之  
地舊屬潞城耳夫脩志本學校之責平順之學  
既附潞城平順之志不附於潞而焉附乎是以  
此次之脩詳斟酌兩志合而為一平順縣未

裁以前其事蹟仍依平順舊志書之既見不忍  
沒其始之意既裁以後則直附潞城志中以昭  
一視同仁之化在平順與潞城試同官考同棚  
志合於一而非等易務假許之舉在潞城與平  
順壤相錯人相屬志合於一而並無此疆彼界  
之嫌事有固然理有固然則斯志之合亦有不

得不然者謏陋如余何敢執筆序志第分涇別  
渭辨淄知澠本末終始豈容混淆用弁數言於  
前以志合修之緣起焉若夫薰香摘豔搜兩學  
之人文刻翠裁紅繪五都之風土鼠管花飛山  
川生色鸞箋墨舞篇什增輝則余謝不敏云時  
光緒甲申孟冬候選州判丁酉科拔貢靜甫氏

續修潞城縣志後叙

省滎州縣之有志昉於漢之滎國志所以繪疆域之廣狹紀風俗之異同覘人文之盛衰稽物產之贏絀以及年歲豐歉山川形勢驛站沿革學校廢興城塹高卑深淺倉庫多寡盈虧

一

與夫先達前哲之高蹤奇人傑士之勝迹隱逸流寓之遺址名宦鄉賢之芳徽下逮孝子貞女義夫節婦莫不備載以供輜軒之採蓋與國史相表裏也迺或者謂史主勸善懲惡志則微顯闡幽故善惡備詳諸史志多紀

善而不紀惡一似體例有難同者然  
讀志而見紀者之榮惡者亦將化為  
善是揚清而激濁之道在其中亦彰  
善而痺惡之權行其間殊途何嘗不  
同歸乎潞志自康熙四十五年閩中  
張公重脩後距今百七十餘年矣其

二

間天時人事士習民風幾經變更稽  
考殊難况潞土瘠民貧無累世簪纓  
之族無名山紀載之言無宿儒修士  
之遺書無巨室大家之家乘欲從百  
年以後擴撫百年以前之事存什一  
於千百不幾等於杞宋之無徵乎光

緒丁丑一宮保大中丞威毅伯曾公

以

熙朝砥柱來撫三晉值災祲頻仍公屢  
上籲章請粟請帑全活億萬生靈迨  
至己卯全晉有秋公乃徧檄所屬飭  
脩邑乘以昭勸戒於戲公之塵民瘼

三

而崇政本若是可不謂急先務者乎  
檄下吾潞為春湖崔牧父宰潞之明  
年政成人和爰集邑紳共勦厥事竊  
思志以翼史史以續經雖精粗繁簡  
不同而拾遺補闕以信今傳後一而  
已矣用是規模仍循其舊體制畧叅

以新譌者正之畧者詳之荒誕者芟  
之冗長者節之事蹟在百年以前者  
或尋諸殘碑斷碣或訪諸故老遺民  
或徵諸行狀口碑或考諸宗譜世系  
信則存疑則缺務絕以訛傳訛以謬  
踵謬之弊其近在百年內為聞見所

四

及者亦考之又考核之又核期循名  
以責寔不掠影而浮光非但存直筆  
且以彰公道也間有文人載筆學士  
題辭與所採事蹟相發明者雖不甚  
三亦收載以資參閱蓋志取核寔考  
政治恒於斯觀風化恒於斯鏡得失

恒於斯判臧否恒於斯故孔子曰吾  
觀於鄉而知王道之易易也路雖蕞  
爾區皇華采風將必有車轍馬跡焉  
志之續烏容已哉乃稿甫脫而崔以  
謝病去因循三載未獲成帙癸未秋  
順天程牧父以名孝廉來宰潞思踵

五

成之而未遑也次年孟冬始克序次  
成編付剞劂氏焉嗚呼難矣抑聞之  
十室必有忠信泰山不讓土壤將以  
斯志風末俗勸來茲不必侈史家三  
長但據事直書而一邑之風土人情  
幽光潛德無不朗若列眉於以上副

聖天子勸善懲惡顯微闡幽至意則志亦  
史之支流云爾

光緒甲申孟冬候選州判丁酉科拔  
貢靜甫氏劉體中謹叙

續修潞城縣志跋

潞城昔未有志也。有之自明。明馮公性賢始創一邑三山。川田賦戶口班之俱在。不可令文獻之無徵歟。我

朝

定鼎以來。政通人和。百廢俱興。

康熙丙戌。涇陽張公來守此土。

公舒之暇。取馮公舊志而修飾。

之。自今距公一百七十餘年。未有謀及此者。今上

御批己六年太子少保一等威  
毅伯曾公撫我山右奉禮闈  
之忠貞作匡時之元宰掃除  
弊政整飭宏規銳然以修  
輯山南回志若已任札飭各

二

府州縣一律續修一繕寫書帙  
以備採錄我邑侯崔公謹  
憲命邀清紳士協諸白寅  
立修志總局於廬山書院  
東古私之紀載核新舊

見聞分門別類悉仍前卷之  
體裁特採細訪務核當時之  
心迹凡星野疆域建置沿革  
賦役風土人物藝文均舉而  
筆之于志越期告竣謹表

三

國  
宗條採風之求此豈同於禪  
鑿子鴻編允矣嬰兒實鑑出

柔小說之瑣者哉余自沁  
水司刑解組歸田既老且  
備安敢妄出志跋但躬逢